



Gabinete Wever - Croes II

ISLA ONLINE

Noticia Transparente di Gobierno

Diamars 12 Maart 2024

Email: IslaOnline@gobierno.aw Tel: 528-4952



Himno y Bandera

Aruba, Orguyo di nos tur

18 di maart 2024



En conexion cu e di "68th Commision on the Status of Women" (CSW68) **PROME MINISTER A ATENDE E REUNION RIBA E TEMA DI DERECHO Y POSICION DI HENDE MUHE**



Despues di a celebra Dia Internacional di Hende Muhe, cu un conferencia na unda tabata tin discursonan interesante, expresando e deseo di tin mas hende muhe den liderazgo, Prome Minister ta na New York pa atende e di "68th Commision on the Status of Women" (CSW68) na Nacionnan Uni, na unda lo atende tur e temanan cu tin di haber cu e derecho y posicion di hende muhe, y con por fortifica esaki.

Hunto cu Prome Minister na e conferencia aki, tabata presente Prome Minister di Sint Maarten Silveria Jacobs y Vice Prome Minister di Corsou, Ruthmilda Larmonie-Cecilia, cu lo ta atediendo varios reunion durante dia. Riba e dia aki tambe, Prome Minister y e otro ministernan a haya e oportunidad di duna un "statement" den nomber di Reino, den e sala di Nacionnan Uni. Esaki sigur ta un orguyo grandi mirando cu presente tin un gran cantidad di hende.

Durante e reunion a atende cu e topico di violencia contra hende muhe, empoderamento economico di hende muhe, enseñansa pa e mucha muhenan, y salud. Prome Minister a expresa cu tur e reunionnan aki, ta yuda pa asina por finalisa e maneho di Gobierno, pa por sigui yuda tur ser femenino na Aruba, pa supera nan mes.

Vice Prome Minister di Corsou Ruthmilda Larmonie-Cecilia
 Pa loke ta Vice Prome Minister Larmonie-Cecilia, tambe a indica e importancia di e reunionnan aki, mirando cu na Corsou su ministerio tambe a bin ta traha duro riba e pakete di violencia contra hende y mucha muhenan, y kico mester



haci pa empodera nan, y pa kibra e barera na unda violencia y pobreza ta conecta.

Prome Minister di Sint Maarten Silveria Jacobs

Prome Minister Jacobs a expresa di ta un honor di por asisti na e CSW68 pa reuni riba e topico importantenan aki. Durante su declaracion, el a indica cu pa tin genero igual, mester tin hende homber den e proceso, y por mira cu tin un par di hende homber presente, representando e "small development states". Tambe el a indica cu nan Gobierno, ta haciendo tur loke ta posibel pa evita cualkier desigualdad contra hende muhe, y pa como lider femenino, e tin influencianan positivo riba e hende y mucha muhenan. El a indica cu violencia contra hende muhe tambe ta bisto na Sint Maarten, y cu nan ta bringando via diferente sistema educacional pa evita esaki di sigui pasa. Tambe, el a expresa cu e ta compromiso di Gobierno pa pone reglanan cu ta sigura oportunidad di practicanan specialmente pa e "single mothers" cu ta pasando den e situacionnan aki, y tambe sigura cu tur mucha ta haya e educacion necesario pa ta un miho version di nan mes.

"Tanten cu Dios duna mi bida y salud, mi lo sigui uza mi bos pa esnan cu mas tin mester. Durante e conferencia na Nacionnan Uni, mi tabata tin e honor di duna un discurso riba e posicion di hende muhe na Aruba, y e retonan cu nos ta enfrenta. Nos mester sigui stimula nos mucha muhenan y hende muhenan pa desaroya nan mes, pa por crea un miho balanse den mundo. Semper ta un honor pa representa mi pais, sigur na foronan internacional manera esaki", Prome Minister a expresa. ■

Prome Minister Evelyn Wever-Croes:
Si di berdad nos como hende muhe kier pa nos prioridad y
preocupacionnan wordo tuma na cuenta:
NOS MESTER TA NA MESA



Den un mundu unda desicionnan ta forma e futuro, ta esencial pa tur bos wordo scucha. Especialmente, ta importante pa e bos di hende muhe wordo scucha. Hende muhe ta trece perspectivanan unico, experencianan, y ta comprende e necesidad y aspiracionnan di otro miho.

Prome Minister Evelyn Wever-Croes, den su discurso riba Dia Internacional di Hende Muhe diabierna ultimo, a expresa cu si di berdad nos como hende muhe kier pa nos prioridad y preocupacionnan wordo tuma na cuenta, nos mester ta na mesa. Na mesa unda desicionnan ta wordo tuma y derechonan ta wordo discuti y defendi.

Un hende muhe por defende derecho di hende muhe miho cu hende homber por, den tur aspecto. Ora ta trata e tema di discriminacion contra hende muhe of abuso contra hende muhe, un hende muhe por compronde y atende miho cu un hende homber. Temanan relaciona cu salud di hende muhe, hende muhenan por atende mas miho cu hende hombernan. Sin kita afo e capacidad di hende hombernan pa tuma bon desicionnan den diferente aspecto, ora ta trata temanan di

hende muhe, si tin un of mas hende muhe na mesa di decision, problemanticanan riba cierto tema ta wordo atendi miho y mesora pa trece solucionnan.

Prome Minister a expresa: “P’esey nos mester di mas hende muhe na mesa. Na mesa di gobernacion, di Parlamento, den politica, den comercio, den sector publico, den sector academico, den organisacionnan voluntario. TUR caminda nos mester di hende muhe na mesa. Pasobra ta solamente na mesa, nos por duna miho atencion na locual realmente ta importante pa hende muhe”.

Pa sigura cu hende muhe tin un asiento na mesa di decision, nos como hende muhe mester encurasha otro hende muhe, encurasha nos yiu muhenan, nos ruman muhenan, nos amiganan, pa ta prepara pa guia cambio positivo na nos pais. “Laga nos fortifica cada ser femenino pa tuma luga na e prome plano di desicionnan, pasobra ora muhe ta lidera, comunidadnan prospera y humanidad ta avansa”, Prome Minister Evelyn Wever-Croes a expresa.



PROYECTO DI AGROFORESTERIA NA BASISSCHOOL TA SEMBRANDO SIMIA DI CAMBIO

Den colaboracion cu Ministerio encarga cu Sector Primario, a planta un hardin di alimentacion na Mon Plaisir Basisschool diasabra cu a pasa 9 di maart 2024. Maestro, estudiante y boluntario nan a uni forsa for di 7'or di mainta te cu 1'or di merdia den un esfuerzo conhunto pa trece Aruba un paso mas cerca di seguridad di alimentacion.

Esaki ta den cuadro di e proyecto di agroforesteria na scolnan basico unda e meta ta pa inculca importancia di agricultura sostenibel den e siguiente generacion. Hunto a planta varios tipo di fruta y berdura, no solamente como cultivo, pero como simbolonan di un acercamento educativo nobo pa seguridad di alimentacion, aprecio pa nos medio ambiente y respet pa naturalesa.

Pa medio di tayer, e iniciativa ta guia maestronan con pa mantene y integra e hardin di alimentacion den e curiculo di scol, creando espacio pa nos muchanan y maestronan expande nan conocimiento.

Durante e proyecto pa scol basico a reconoce cu ta importante pa inverti den nos maestronan tambe, ya cu nan ta pone e base di aprendisahe pa nos muchanan y sigur di inspiracion. Diasabra 16 di maart tin un otro dia di plantamento planea na Instituto Pedagogico Arubano (IPA). E dia aki ta coincide cu Aruba Doet, un recordatorio di e forsa di comunidad y e importancia di esfuerzo colectivo pa e bienestar di nos pais.

E frutanan di e proyecto ya ta visibel. Dedicacion di e comunidad escolar ta demonstra e esfuerzo incansabel di boluntarionan, y e apoyo di partners di e proyecto, esta Santa Rosa y Living Soil.



Minister Ursell Arends, encarga cu sector primario, ta expresa su profundo orguyo y gratitud pa cada uno cu a aporta na e proyecto den un manera of otro. Ta extende un invitacion na tur miembro di nos comunidad pa participa. Asina colaborando pa cultiva un futuro unda nos muchanan ta crece conciente di e loke nos mes por produci aki na Aruba. "Laga nos uni forsa y siña nos muchanan cu cada simia planta ta un paso pa un futuro mas autosuficiente. E hardin di alimentacion na scolnan ta mas cu un proyecto; e ta un iniciativa pa prepara e caminda pa un futuro unda sostenibilidad, nutricion y educacion ta bay man den man." – Minister Ursell Arends



A FIRMA UN ACUERDO HISTORICO CU N.V. ELMAR PA HACI UZO DI AUTONAN ELECTRICO DEN GOBIERNO POSIBEL



Diamars, 12 di maart 2024, den presencia di minister di Energia, Sr. Glenbert Croes, director di N.V. ELMAR, Sr. Anthony Irausquin, y directora di Departamento di Asuntonan Economico, Sra. Maria Dijkhoff-Pita, a tuma luga e firmamento di un acuerdo historico entre e Minister di Asunto Economico, Sr. Geoffrey Wever, y N.V. ELMAR.

Pa prome biaha N.V. ELMAR lo instala stacionnan di recarga vehiculonan electrico, riba propiedad priva pa un departamento di gobierno, den e caso aki pa Departamento di Asuntonan Economico ("DEACI") cu ta resorta bou di Minister Geoffrey Wever. E mandatario a expresa su gratitud na N.V. ELMAR pa nan compromiso y participacion valioso cu a resulta den accionnan concreto cu ta trece beneficio pa nos comunidad y nos medio ambiente. "Instalacion di stacionnan di recarga autonan electrico ta e prome paso", segun minister Wever.

Parti di e vision di Minister Wever, ta cu lo remplaza tur auto di gobierno pa uno electrico den futuro y asina contribui na sostenibilidad y eficiencia den e aparato gubernamental. Awo a cuminsa cu e proyecto piloto aki conhuntamente cu N.V. ELMAR, y proximamente e autonan di trabou di DEACI lo wordo reemplasa cu autonan electrico conoci como 'EV's' ('Electric



Vehicles'). E paso aki lo resulta den un reduccion significativo den uso di gasolin cu ta contribui grandemente na polucion di nos medio ambiente. E iniciativa aki ta parti di e esfuerzo continuo di parti di ministerio pa promove sostenibilidad activamente y cu ta sirbi como ehempel con pa crea un Aruba mas sostenibel.

N.V. ELMAR tin su servicio di EV ChargeUp; su red di cargador pa vehiculonan electrico rond di Aruba. N.V. ELMAR por medio di e acuerdo aki, lo facilita e instalacion di stacionnan di recarga pa autonan eletrico, cual ta sirbi como un modelo cu lo por ser replica pa otronan den sector publico of priva, y asina yuda accelera e transicion pa un economia mas sostenibel, segun Minister Wever.

"Mi ta hopi contento cu nos por anuncia e iniciativa aki awe, ya cu cada paso padilanti ta crucial den nos afan pa construi un futuro sostenibel pa nos yiunan. E ta pone e standard y e ehempel pa nos comunidad: cu tur hende mester tuma accion pa adapta y inclui sostenibilidad den nan bida diario. Mi ta spera cu otro departamentonan di gobierno copia e modelo aki," Minister Wever a conclui.



En conexion cu celebracion di nos Himno y Bandera

MINISTER XIOMARA MADURO A BISHITA SCOL BASICO XANDER BOGAERTS Y SINT MICHAËL SCHOOL



Minister Xiomara Maduro a habri siman den districto di San Nicolas y Brasil pa asina duna inicio na su bishitanan escolar en conexion cu celebracion di nos dia nacional, dia di nos Himno y Bandera.

Durante e bishita na Scol Basico Xander Bogaerts, Minister Maduro a wordo yama bonbini door di henter e scol. Aki e muchanan a haya e oportunidad pa saluda e mandatario y comparti unrato cune. Despues di esaki, e mandatario a bishita klas 5 unda cu ela duna un charla riba e celebracion di nos Himno y Bandera. Durante e charla aki, Minister Maduro a pone enfasis riba tur locual ta haci nos orguyoso di ta biba na Aruba, e importancia di celebra nos Himno y Bandera y con nos por sigui biba nos cultura participando na e diferente actividadnan cu lo bay tin riba e dia aki.

Na Sint Michaël School, Minister Maduro a compaña e muchanan den cura di scol, un custumber di e muchanan pa habri siman hunto caminda nan ta canta, combersa y prepara pa e siman nobo nan dilanti. Aki, Minister Maduro a tuma un rato pa combersa cu nan riba locual nan ta aprecia di nos isla y kico ta hacinan orguyoso di nos Pais. Finalmente, despues di esaki e mandatario a sigui pa presencia con e muchanan di klas 4, 5 y 6 ta prepara pa nan presentacion tocante e industrianan di Aruba.

Minister Maduro ta gradici cabesante, docentenan y tur alumno na ambos scol, Scol Basico Xander Bogaerts y Sint Michaël School, pa e bunita recepcion y ta deseanan di antemano un feliz dia di nos Himno y Bandera.





EXPERENCIA UN DIA DI HIMNO Y BANDERA VARIA NA MANA

Museo Arqueologico Nacional Aruba (MANA) ta ofrece un programa varia en conexion cu celebracion di nos dia nacional di Himno y Bandera. Un y tur ta Bon Bini di 10'or di mainta pa 3'or merdia na Schelpstraat 42. Entrada ta bo sonrisa.

Lo estrena otro mini documentarionan interesante, traha pa Rebecca Roos Productions. Nan ta conta e legado di e edificionan monumental y historia di famia Ecury. Artista Ruth Geerman Mariano lo ofrece un tayer di obra di man di un forma diferente na un prijs simbolico. Un biaha mas Club Kibrahacha ta trece un bunita exposicion di cuadra traha pa su miembronan. Nan grupo di cuarta, canto y di baile lo deleita publico.

Den hardin por bishita un mini bazaar cultural unda por cumpra artesanía, prenda, productonan y mas. Alaves lo tin un skina relajante pa mucha y por pasa busca stempel di Indjan gratis. Bar y cushina lo ta bon surti cu dushi cuminda, tin snacks crioyo y tambe vegetariano di entre otro Chuchubi Bakes.

Experiencia adicionnan captivante den espacionan na MANA. Tin entre otro exposicion den desaroyo "Manteniendo Herencia na Bida", produccionnan audiovisual "Lama ta Caminda" y "Awa ta Bida" di artista Natusha Croes y instalacion "Tene A" di artista Sharelly Emanuelson.

Grandi y chikito, bin goza di un programa cu ta regalo pa tur bo sintinan. Haci bo na cas na Museo Arqueologico Nacional Aruba riba Dia di Himno y Bandera 2024. Ekipo di MANA y su boluntarionan ta ricibi bo cu mil amor.







DIA DI HIMNO Y BANDERA
18 DI MAART 2024
Museo Arqueologico
Nacional Aruba
Schelpstraat 42
10am - 3pm

**BIN DISPRUTA DI LOKE TA NOBO
DEN NOS EXPO**

- MANTENIENDO HERENCIA NA BIDA (Expo den desaroyo)
- LAMA TA CAMINDA
- AWA TA BIDA
- TENE A

BAR Y CUSHINA

PRESENTACION CLUB KIBRAHACHA

MINI BAZAAR CULTURAL

ACTIVIDAD DA MUCHA

TAYER DI ARTISTA

MINI DOCUMENTARIANAN



E INTRODUCCION DI E WETBOEK VAN STRAFVORDERING NOBO A CONTA CU UN PROCESO EXTENSO PROME CU ESAKI A WORDO APROBA



Dialuna mainta, durante un conferencia di prensa di Gobierno di Aruba, Minister di Husticia y Asuntonan Social sr. Rocco Tjon a elabora riba e Wetboek van Strafvordering despues cu Parlamento di Aruba a aproba e invoeringsverordening di e Wetboek van Strafvordering nobo siman pasa. Pues, hopi satisfecho di por haci e anuncio cu dia 1 di april esaki ta drenta na vigor.

Un paso sumamente importante, pasobra ta bay percura cu Ministerio Publico y e organisacionnan cu ta haci investigacion tin mas autoridad pa na un manera mucho mas eficiente y eficaz por combati criminalidad. Na mes momento, lo bay garantisa mas derecho pa detenidonan y victimanan.

Ta trata di un proceso largo, cu a inicia na 2013, y un di e prome decisionnan cu Minister Tjon a tuma como mandatario encarga cu e cartera di Husticia y Asuntonan Social, den e prome Justitieel Vierlanden Overleg, ta pa Aruba percura pa introduci e wetboek aki, mirando cu e ta sumamente importante. Bisando esaki, Aruba ta e prome pais den reino cu ta bay introduci e cambio aki.

Sin mas, e proceso a wordo encamina na un manera hopi cauteloso, bisando esaki e Mandatario a desbarata e mal informacion cu a wordo brinda siman pasa door di miembranan

di Parlamento y cierto medionan di comunicacion, cu no lo tawata tin participacion di tur e stakeholders den e cadena hudicial.

E prome paso den e trayectoria di e Wetboek van Strafvordering nobo a ensera pa sera un acuerdo cu sra. Monique Moss, pa traha un plan van aanpak. Sra. Monique Moss tawata encarga cu e parti di Wetboek van Strafvordering na Hulanda, pues a traha e plan van aanpak di con nos na Aruba lo mester introduci esaki.

A base di esaki a instala un stuurgroep cu ta consisti di Ministerio Publico, Corte, Ministerio di Husticia y Asuntonan Social, Cuerpo Policial y KIA. Ademas di esaki, a base di su conseho a introduci dos “werkgroep”, un especificamente pa e parti di voorlopige hechtenis, cual a consisti di Ministerio Publico, Corte, Cuerpo Policial di Aruba, Ministerio di Husticia y Asuntonan Social, Reclassering, Departamento di Asuntonan Social, KIA, Landsrecherche, Koningklijke Marechaussee, CEA y Orde van Advocaten.

Banda di esaki, e otro werkgroep a consisti di slachtofferrecht, pues derecho di victimanan, cu tawata consisti di Ministerio Publico, Corte, Cuerpo Policial, Ministerio di Husticia y Asuntonan Social, Family Justice Center y Orde van Advocaten.

Manera por tuma nota, ta trata di un trayectoria bastante amplio prome cu por a yega na trata e ley aki den Parlamento di Aruba, pa asina bin cu cambionan al caso cu beneficianan real pa detenidonan y victimanan.

Un bes mas, e Mandatario a desmenti e mal informacion cu a wordo transmiti den medionan di comunicacion tocante e trayectoria di e wetboek van strafordening, cu Orde van Advocaten supuestamente no tawata al caso, esaki sigur no ta e caso.

Un danki na tur esnan cu a haci e introduccion di e Wetboek van Strafvordering nobo posibel, principalmente e stuurgroep y e werkgroep di voorlopige hechtenis y slachtofferrecht. ■

<div><div>Coördinatieoverleg WvSv (stuurgroep):</div><div><div><div><div></div><div></div><div></div></div><div><div></div><div></div><div></div></div><div><div></div><div></div><div></div></div><div><div></div><div></div><div></div></div><div><div></div><div></div><div></div></div><div><div></div><div></div><div></div></div></div><div><div>• OM</div><div>• Gerecht in Eerste Aanleg</div><div>• KPA</div><div>• Ministerie (tevens voorzitter)</div><div>• KIA (ivm bewaring)</div></div></div></div>	
<div><div>Er zijn ook 2 aparte werkgroepen ingesteld op advies van mw. Monique Mos:</div><div><div>1. Werkgroep voorlopige hechtenis:</div><div><div><div><div></div><div></div><div></div></div><div><div></div><div></div><div></div></div><div><div></div><div></div><div></div></div><div><div></div><div></div><div></div></div><div><div></div><div></div><div></div></div><div><div></div><div></div><div></div></div><div><div></div><div></div><div></div></div><div><div></div><div></div><div></div></div><div><div></div><div></div><div></div></div><div><div></div><div></div><div></div></div><div><div></div><div></div><div></div></div><div><div></div><div></div><div></div></div></div><div><div>• OM</div><div>• Gerecht in Eerste Aanleg (voorzitter; Ursula)</div><div>• KPA</div><div>• Ministerie (Herman)</div><div>• KIA</div><div>• Landsrecherche</div><div>• KMar</div><div>• Orde van Advocaten (Chairisse Edwards of Carolina Hart)</div><div>• Reclassering</div><div>• CEA</div><div>• Directie Sociale Zaken (afdeling rechtskundige bijstand)</div></div></div></div><div><div>2. Werkgroep slachtofferrechten:</div><div><div><div><div></div><div></div><div></div></div><div><div></div><div></div><div></div></div><div><div></div><div></div><div></div></div><div><div></div><div></div><div></div></div><div><div></div><div></div><div></div></div><div><div></div><div></div><div></div></div><div><div></div><div></div><div></div></div><div><div></div><div></div><div></div></div><div><div></div><div></div><div></div></div><div><div></div><div></div><div></div></div><div><div></div><div></div><div></div></div></div><div><div>• OM (voorzitter; Dedy)</div><div>• Gerecht in Eerste Aanleg</div><div>• KPA (Janine Rodriguez en Robert Candelaria)</div><div>• Ministerie (Herman)</div><div>• Orde van Advocaten</div><div>• FJC (Abigaël)</div></div></div></div></div>	

Kort verslag bijeenkomst dd 13 december 2023 tz de werkgroep VH

Aanwezigen: zie presentielijst

1. Welkomswoord en vaststelling notulen dd 18 oktober 2023

De aanwezigen worden welkom geheten.

Het kort verslag wordt vastgesteld.

2. Mededelingen \ vragen

1. Gevolgen nw Sv voor het hof i.v.m. met bemensing: Nadat de notitie is besproken met (een delegatie van) het bestuur van het Hof heeft een delegatie van het bestuur van het Hof een bespreking gehad met de Minister over de extra kosten voor de rechtspraak. De minister maakt deze extra kosten bespreekbaar tijdens de behandeling van de (suppletoire) begroting.
2. Er is in het coördinatie overleg besproken over een mogelijk uitstel van artikel 94 nw Sv (Bewaring wordt slechts ten

Kort verslag bijeenkomst dd 17 januari 2024 tz de werkgroep VH

Aanwezigen: zie presentielijst

1. Welkomswoord en vaststelling notulen dd 13 december 2023

De aanwezigen worden welkom geheten.

Het kort verslag wordt vastgesteld.

2. Mededingen \ vragen

1. Gevolgen van het hof i.v.m. met bemensing (werklastverzwaring): De minister heeft Mauritsz doorgegeven dat een bedrag van AWG 500.000 is/zal worden goedgekeurd. Besteding van het bedrag is besproken. Gedacht wordt aan 1 fte administratieve kracht, 1 fte juridische ondersteuning en (als er geld over is) ½ fte RC.
2. De (werk)procesbeschrijvingen GEA zijn nagenoeg klaar.
3. Om de twee weken vindt er een coördinatie overleg plaats.
4. Begin februari wordt de Overgangsregeling behandeld door de Staten. De minister van justitie is voornemens om de Staten uitstel van de invoering van artikel 94 te vragen.

<div><div><div><div></div><div></div><div></div></div><div><div></div><div></div><div></div></div><div><div></div><div></div><div></div></div><div><div></div><div></div><div></div></div></div><div><div>PRESIDENT</div><div>Gemeenschappelijk Hof van Justitie</div></div><div><div><div>Aan de Minister van Justitie en Sociale Zaken van Aruba</div><div>De heer E.G. Tjia</div><div>Bestuurskantoor, L.G. Smith Boulevard 76</div><div>Aruba</div></div><div><div><div>URGENT</div><div>Emancipatie Boulevard</div><div>Domènico F. "Dov" Martina 18</div><div>Willemstad</div><div>Tel: (299 9) 462 4285</div><div>Fax: (299 9) 462 4341</div><div>www.gerechtshofvanjustitie.as</div></div></div><div><div><div>Uw nummer:</div><div>Uw brief van:</div><div>Ons nummer: Pr.223/2023</div></div><div><div><div>Bijlage(n):</div><div>Curaçao, 20 december 2023</div></div></div><div><div>Betreft: Advies artikel 94 Nieuwe Wetboek van Strafvordering</div></div><div><div>Geachte Minister Tjia,</div><div>Op 7 december jongstleden is er een plezierig overleg geweest tussen u en een vertegenwoordiging vanuit het Gemeenschappelijk Hof. Tijdens dat overleg heeft u het Hof om advies gevraagd over de implementatiedatum van het Nieuwe Wetboek van Strafvordering in relatie tot de bezwaren die zijn gezet met betrekking tot artikel 94 van het Nieuwe Wetboek.</div><div>Zoals ik reeds mondeling heb toegezegd, adviseer ik u namens het Hof om het Nieuwe Wetboek niet verder uit te stellen, maar om door te gaan met de voorgenoemde inwerkingtreding van het Nieuwe Wetboek per 1 maart 2024.</div><div>Voorziet u mij advies gevraagd over mogelijke alternatieve voorstellen om het aantal voorlopig gehechten terug te brengen. Ik heb hierover intern beraadslaagd en kom tot het volgende:</div><div><div>1. Uitgangspunt van het Nieuwe Wetboek van Strafvordering is dat minder personen in voorlopige hechtenis zullen worden genomen. Maak in dit verband bespreekbaar / introduceer in het nieuwe Wetboek het uitgangspunt "schorsen, tenzij": gelijk aan de visie van het EHRM (zie artikel 5 lid 3 ECHR), waarin is opgenomen dat een verdachte in vrijheid het proces kan afwachten indien er waarborgen zijn dat de verdachte voor de rechter zal verschijnen) en zoals dat voor minderjarigen geldt (zie artikel 484 lid 5w nieuw). Bij niet schorsen geldt voor het Openbaar Ministerie een onderzoeksplanningplicht en voor de rechter-commissaris een motiveringsplicht.</div><div>2. Bovendien naast de gangbare voorwaarden voor schorsing van de voorlopige hechtenis (nulplicht, aanvullende reclassering, meewerken aan reclasseringsrapport, locatie- of contactverbod, locatiegebed, behandelgebed, verbod op middelengebruik, gedragsinterventie(s) en/of het inleveren van het paspoort) ook de toepassing van de voorwaarde tot zekerheidsstelling (expliciet opgenomen in artikel 111 lid 1 5w (nieuw)). In de Memorie van Toelichting is opgenomen dat bij het terugdringen van het aantal voorlopig gehechten ook kan worden gedacht aan het</div></div></div></div><div><div><div><div></div><div></div><div></div></div><div><div></div><div></div><div></div></div><div><div></div><div></div><div></div></div><div><div></div><div></div><div></div></div></div><div><div>PRESIDENT</div><div>Gemeenschappelijk Hof van Justitie</div></div><div><div><div>nieuw leven inhalzen van de schorsing onder zekerheid. Voorts wordt u geadviseerd om ook te starten met met elektronisch toezicht (als pilot). Een nadere toelichting:</div><div><div>a. Zekerheidsstelling: het gebruik van deze voorwaarden moet ingebed worden in een systeem dat voorziet in het innen en garanderen (waaronder wie zich garant kan stellen en met welke middelen (zoals geen storingen vanaf een buitenlandse rekening).</div><div>b. Elektronisch toezicht: de uitvoering van de uitvoering van elektronisch toezicht ontbreekt op dit moment. Geïntendeerd dient te worden in apparatuur, een centrale instantie (Reclassering) die in staat (en bereid) is toezicht te houden over de naleving van de voorwaarde en in staat en bereid is om daarover te rapporteren aan de justitiële autoriteiten.</div><div>3. Maak een aantal (reguliere) politievelden geschikt als voorziening voor voorlopige gehechten (bewaring) af van de materiële eisen die aan voornoemde cellen worden gesteld alsmede de rechtspolite van de daarin gehechten. De rechter-commissaris toetst of in een individueel geval, rekening houdend met de persoonlijke omstandigheden, bewaring in die cel ten uitvoer kan worden gelegd.</div></div></div><div><div>De realiseerbaarheid van de alternatieven staat of valt met nadere invulling van de randvoorwaarden bij de rechtspraak (Het Hof en de daarbij behorende Gerecht in Eerste Aanleg), het Openbaar Ministerie en de Rechtspraak. Gelet daarop wordt in overweging gegeven om werkgroep samen te stellen waarin deze betrokken ketenorganisaties deelnemen om de verschillende alternatieven nader uit te werken. Het Hof is uiteraard bereid tot deelname daarin.</div><div>Mocht ondanks genoemde alternatieve voorstellen tot uitsluit van artikel 94 5w worden besloten, dan adviseer ik u om in dat voorstel inzichtelijk op te nemen dat uitsluit tijdsgebonden is (bijv. 5 jaar), met periodieke evaluatie gedurende die periode ter beoordeling of de beperking in tijd (nog) nodig is.</div><div>Ik hoop u hiermee voldoende te hebben geïnformeerd. Mocht er vanuit uw zijde nadere toelichting gewenst zijn, dan ben ik bereid om hierover met u in gesprek te gaan.</div></div><div><div>Met de meeste hoffelijkheid,</div><div><div><div><div></div><div></div><div></div></div><div><div></div><div></div><div></div></div><div><div></div><div></div><div></div></div><div><div></div><div></div><div></div></div></div><div><div>mg.MJ, de Kort</div><div>President</div></div></div></div></div></div></div></div>	
--	--

Minister Rocco Tjon:

A ELABORA RIBA E CAMBIONAN DI E WETBOEK VAN STRAFVORDERING NOBO Y KICO ESAKI TA NIFICA



Dialuna mainta, durante un conferencia di prensa di Gobierno di Aruba, Minister di Husticia y Asuntonan Social sr. Rocco Tjon a elabora riba e cambionan, y kico esaki ta nifica pa loke ta e Wetboek van Strafvordering nobo.

NapromelugaeWetboekvanStrafvorderingnobotabaypercura pa mas derechonan pa victimanan. A base di e cambionan aki, e victimanan por tuma nota di e documentonan cu ta wordo trata durante di un caso penal caminda antes esaki no tawata posibel, awo e victima tin inzage riba e ‘processtukken’, cual ta hopi importante. Banda di esaki, e victima ta bay tin un ‘spreekrecht’, pues e mes por vocifera durante di un caso kico e ta sinti y kico e ta pensa.

Pa loke ta e ‘schadevergoeding’, actualmente esaki ta limita na 50 mil florin, y aworaki a base di e Wetboek van Strafvordering nobo no ta bay tin un limite mas. Esaki ta nifica cu e victima cu a wordo perhudica door di lokual a sosode, tin derecho di ricibi e recompensa manera e victima ta haya husto, con tal cu esaki por wordo proba. Pues cambionan hopi importante pa e victimanan.

Pa loke ta trata ambos e detenido y victimanan ta bay introduci ‘snelrecht zittingen’. A traves di e introduccion di e proceso di ‘snelrecht’, cual ta e palabracionnan cu a wordo haci caba entre Ministerio Publico y Corte, un persona cu wordo deteni por ehempel pa posesion di arma, bringa riba caya, menasa, destruccion etc. si ta trata di un caso “simpel”, e ‘voorlopig hechtenis’ ta bay wordo aproba, pa motibo cu e ta un caso “simpel”. Pues, esaki por wordo finalisa dentro di e terminonan ey, y e caso lo wordo presenta mesora dilanti di un huez pa un decision por wordo tuma.

Esaki ta beneficia ambos e victima y e detenido pasobra e caso ta wordo ‘afgerond’ mas lihe. Tur e interrogacion pa loke ta trata ‘voorlopig hechtenis’ mester wordo graba awo, y esaki ta garantisar e integridad di cada investigacion.

Por ultimo, e instancianan encarga cu investigacionnan manera Ministerio Publico y Cuerpo Policial di Aruba ta bay haya hopi mas autoridad, pa nan por combati criminalidad na un manera mas eficiente y eficaz.

Bo ta invita na e Aruba Innovation Summit 2024 cu e topico "Evolve". Prepara bo mes, bo team of bo negoshi pa e futuro! E aña aki, siña con pa deal cu hende dificil, explora integracion di Inteligencia Artificial (AI) y descubri e beneficianan di transformacion digital. Un dia informativo lidera pa expertonan internacional y local. No perde bo chens pa network cu otro entrepreneurs, empresarionan, profesionalnan den e mundo di tecnologia y hopi mas. Cumpra bo ticket awe mes na www.arubainnovationsummit.com



ARUBA INNOVATION SUMMIT

EVOLVE

INTEGRATING AI & EMPOWERING TEAMS IN THE WORKPLACE

ARUBA INNOVATION SUMMIT 2024

"Uniting minds and shaping the future"

March 20, 2024

Renaissance Convention Center

TICKETS AVAILABLE AT
arubainnovationsummit.com

Arubabank **SETAR** **aib bank** **mastercard**

18 di maart 2024



A TRATA DIFERENTE TOPICO DI VITAL IMPORTANCIA CU SIMAR, EN CONEXION CU ENSEÑANSA DI ARUBA



Recientemente, Minister di Enseñansa y Deporte Endy Croes a reuni cu presidente Sra. Angelique Quijada y secretario y/of vice-presidente Sr. Anthony Figaroa di Sindicato di Maestro di Aruba (SIMAR). E reunion aki tabata basa riba diferente tema di enseñansa, entre otro, e comision cu ta atendiendo cu e structura di salario di e docentenan, di cual SIMAR ta forma parti. A intercambia diferente idea y a splica unda nan ta y con lo sigui atende e tema aki.

Tambe, Minister Endy Croes a splica SIMAR diferente tema cu actualmente ta atendiendo di e Doorlichting van het Arubaanse Onderwijsbestel, entre otro recomendacion 1 y recomendacion 11. A splica den detaye e Begunstig Beleid, caminda un

estudiante na Colegio Arubano tin derecho riba AWG. 555-, si e ta bin den remarke. Minister Endy Croes a amplia esaki tambe desde e aña aki pa otro scolnan secundario. Un alumno por haya te cu AWG. 750-di subsidio, den caso cu e mayornan ta genera AWG. 42 mil of menos anualmente.

Ademas di esaki, a duna un splicacion amplio di e normbedrag cu durante 2023-2024 a logra haal in cu 12 aña di retraso, unda a aumenta esaki cu AWG. 6.4 milyon structuralmente pa tur schoolbestuur.

E mandatario di Enseñansa y directiva di SIMAR a palabra cu lo keda den contacto cu otro pa keda informa di e desaroyonan den enseñansa di Aruba. ■

MINISTER ENDY CROES A FELICITA NOS DAMANAN DI ST MICHAEL PAVILJOEN RIBA DIA DI HENDE MUHE

Diabierna ultimo, en conexion cu Dia Internacional di Hende Muhe, Minister di Enseñansa y Deporte Endy Croes acompaña pa su kerida esposa Sra. Dilailah Croes a bishita St Michael Paviljoen hunto cu Prome Minister Evelyn Wever-Croes y Minister Xiomara Maduro. Locatiemanager Sra. Monique Larmonie a ricibi e mandatarionan cu un caluroso bonbini na yegada. Un atardi ameno, unda a comparti cu nos damanan di St Michael Paviljoen.

Cantante Edjean Semeleer tabata presente den ocasion aki pa deleita nos grandinan cu su musica. Ademá di esaki, Señora Ivy Goeloe a declama un bunita poema. E damanan di St Michael Paviljoen a celebra e dia special aki den un forma protocolar. Varios minister y parlamentario a obsekia e damanan un sombre estilo protocolario pa luci masha espectacular riba e dia special aki. E mandantario di Enseñansa y Deporte ta gradici Palais Oriental cu a percura pa e bunita vestuario di nos grandinan.

Minister Endy Croes a duna un palabra deseando nos bunita damanan di St Michael Paviljoen feliz Dia Internacional di Hende Muhe. Ademá di esaki, Minister Endy Croes ta gradici e personal di St Michael Paviljoen cu tabata presente y a yuda haci e dia aki inolvidabel pa nos grandinan. “Hende muhe ta un regalo valioso di Dios. Sigui briya y celebra bo poder, bo bos, bo balentia y bo capacidad pa cambia mundo tur dia”, Minister Endy Croes a expresa.



E ALUMNONAN DI MARIA SCHOOL A RICIBI BISHITA DI MINISTER ENDY CROES

Den cuadro di celebracion di nos dia nacional



En conexion cu Dia di Himno y Bandera, 18 di maart proximo, Minister Endy Croes ta bishitando diferente scol na Aruba. Diamars mainta, mandatario di Enseñansa y Deporte a bishita Maria School na Santa Cruz. Na yegada cabesante suplente Sra. Janine Hermans - Boezem, staf, alumno- y maestronan di e scol a duna Minister Endy Croes un caluroso bonbini. Despues di a saluda e alumnonan, Minister Endy Croes a sigui pa klas 5 y 6 unda cu el a duna un charla di e historia di e lucha pa nos Status Aparte. Inculcando amor patria den nos hobennan y e importancia di e celebracion di nos Himno y Bandera.

Na final di e charla, e mandatario di Enseñansa y Deporte a haci e alumnonan diferente pregunta y remarcabel ta cu nan conoce nos historia. Cabesante suplente Sra. Hermans – Boezem a expresa di ta contento di a ricibi bishita di Minister Endy Croes na e scol. E alumnonan a scucha cu hopi atencion e mensahe cu Minister Endy Croes a trece en conexion cu 18 di maart. Sra. Hermans – Boezem a expresa cu como pais nos mester ta orguyoso di nos Himno y Bandera. Sra. Hermans – Boezem ta gradici e Minister di Enseñansa y Deporte pa su bishita y ta spera di wak minister pronto bek na e scol.

Pa finalisa, Minister Endy Croes ta gradici cabesante suplente di scol, staf, maestro- y alumnonan pa e bunita recepcion y un mainta ameno. Por ultimo, e mandatario di Enseñansa y Deporte ta desea henter Pueblo di Aruba un feliz Dia di Himno y Bandera! Ban hunto celebra e dia aki en grande.





RESUMEN | DI SIMAN

Asuntonan General, Innovacion, Organizacion Gubernamental, Infraestructura y Planificacion Teritorial

PROME MINISTER, EVELYN WEVER-CROES

2 - 8 MAART, 2024

PROME MINISTER A ATENDE FORUM Y REUNION TRILATERAL NA EUROPEAN COMMISSION NA BRUSELAS

Recientemente, e delegacion di Aruba tabata na Bruselas pa e Ministerial Conference OCTA 2024. Durante su estadia, Prome Minister a reuni cu 13 paisnan cu ta forma parti di OCTA hunto cu e paisnan miembro di Union Europeo, na unda nan a trata diferente tema importante. Tambe a tuma luga un reunion trilateral, entre e 6 islanan di OCTA Hulandes; Hulanda y e European Commission. Prome Minister a indica cu e reunionnan aki a bay den bon ambiente na unda por a nota e interes grandi cu tur esnan presente tabata tin pa Aruba.



PROME MINISTER, MINISTER DI ECONOMIA Y MINISTER PLENIPOTENCIARIO A REUNI CU SECRETARIO DI ESTADO VAN HUFFELEN

Despues di e conferencia di OCTA na Bruselas, Prome Minister a regresa Hulanda pa diferente otro reunion, entre otro cu Secretario di Estado Alexandra van Huffelen. Gobierno ta na mesa di negociacion riba e tema di e refinanciamiento di debe y lo sigui traha pa purba yega na un acuerdo pa baha e interes di 6.9% cu Aruba mester bay paga riba e debe di Covid. 20 di Maart proximo, Secretario di Estado van Huffelen lo ta na Aruba, y Gobierno lo continua cu e reunion riba e tema di debe di Covid.



REUNION CU PREMIER MARK RUTTE TABATA UNO POSITIVO

Durante su bishita na Hulanda, Prome a reuni cu Premier Mark Rutte riba topiconan relevante pa Aruba. Un di e puntonan importante durante e reunion tabata e refinanciamiento di e debe di Covid y e interes halto cu Hulanda a impone riba pais Aruba. Prome Minister a indica cu e reunion a bay bon, na unda ela informa Premier Rutte di tur e negociacionnan cu ta andando. E tabata un reunion sumamente importante mirando cu ta Consejo di Minister di Reino mester aproba cualquier palabracion cu wordo haci.



RESUMEN

DI SIMAN

Asuntonan General, Innovacion, Organizacion Gubernamental, Infraestructura y Planificacion Teritorial

E ACUERDO FINANCIERO FIRMA ENTRE ARUBA Y UNION EUROPEO PA CU E-GOVERNMENT, TA SIGNIFICA UN CAMBIO FUNDAMENTAL PA PAIS ARUBA.

Recientemente, durante e reunionnan na Bruselas, Gobierno di Aruba a sera un acuerdo financiero di 14.2 miyon euro cu Union Europeo pa loke ta e proyecto di e-government, na unda lo digitalisa di e procesonan y departamentonan di Gobierno. Esaki basa riba e vision pa bai dilanti y asina mehora servicio pa ciudadanonan, mehorando calidad di bida. E vision di E-government ta bai mas leu cu crea apps, traha un website of cumpra aparato. E vision aki ta trata di un cambio institucional na bienestar di pais Aruba. E meta ta pa innova e procesonan di e departamentonan di gobierno, haciendo asina e proceso pa e ciudadanonan obtene informacion y documentonan necesario mas facil. Cu e procesonan digitalisa, ciudadanonan por haya nan documentonan di e comodidad di nan cas, sin cu mester para den rijnan largo pa haya servicio.



GOBIERNO LO SIGUI CU E INICIATIVANAN PA BAHIA E TARIFA DI AWA Y CORIENTE PA E COMUNIDAD DI ARUBA

Un otro reunion importante cu Prome Minister a atende tabata uno cu Minister Rob Jetten, cu ta encarga cu e cartera di clima y energia na Hulanda. Durante e reunion a toca varios tema importante relaciona cu e topico aki, di cual un sigur tabata e conferencia di clima y energia cu Aruba y Hulanda a organisa aña pasa na Aruba. Pa cu e aña aki, Prome Minister a indica cu nan lo organisa e conferencia aki un biaha mas, y unabes cu nan tin e contenido y pais anfitrión cla, lo anuncia esaki. Tambe a riba e disponibilidad di fondo financiero cu tin na Hulanda, cu Aruba lo por uza pa e proceso di transicion di energia.



E TA IMPORTANTE PA E PARLAMENTARIONAN DI TWEDE KAMER TA BON INFORMA DI TUR DESARROYO DI PAIS ARUBA

Prome Minister tabata tin un reunion cu e parlamentarionan di Tweede Kamer pa asina duna un "update" di tur e desaroyo di pais Aruba. Esaki ta importante mirando cu e parlamentarionan aki ta parti di e comision di Reino, y cu recientemente a huramenta. Durante e reunion, tambe a toca e tema di landspakket, reforma, negociacionnan cu Hulanda y tur otro tema importante cu nan como parlamentario lo mester sa di Aruba, prome cu nan por cuminsa haci nan trabou.





Gabinete Wever-Croes

Riba Dia di Himno y Bandera di Aruba, nos ta uni den celebracion, honrando e herencia ricu di nos isla y e orguyo cu ta core den nos sanger. Mientras e melodia di nos Himno y e colornan di nos bandera ta baila orguyosamente den e biento, nos ta recorda e resiliencia y union cu ta defini nos como pueblo.

Laga nos honra e balornan di libertad, diversidad, y solidaridad cu ta haci Aruba briya. Nos Himno, un sinfonia di speransa, y nos bandera un guia di orguyo, guiando nos padilanti cu determinacion sin duda na un futuro yena di promesa y prosperidad pa tur.

*Himno y
Bandera*

